



UNIVERSITÄTS-
BIBLIOTHEK
PADERBORN

**Sacra Veterum Temporum Uti Et Evangelica, Ac
Apostolica Historia**

Steinhart, Franz

Ingolstadii, 1734

VD18 90104692

Cap. II. Mundi altera Ætas à Cataclysmo ad scriptæ Legis promulgationem
convincitur fuisse annorum 797.

[urn:nbn:de:hbz:466:1-62332](#)

CAPUT II.

Ostenditur secundam Mundi ætatem à Diluvio usque ad Exitum Israël ex Ægypto, seu Legis scriptæ promulgationem esse annorum 727.

Juxta nuperrimè supputata Diluvii aquæ inundaverunt anno 600 Noe, seu

	Æ.M A.Æ.V.
Ineunte anno Mundi. - - -	1657 - 2344
Sem centenar. a.ñis 2 post Diluv. gen. Arphaxad. XI, 10 -	1659 - 2342
Arphaxad añor. 35 genuit Sale	12 - 1694 - 2307
Sale annorum 30 genuit Heber	14 - 1724 - 2277
Heber añor. 34 genuit Phaleg	16 - 1758 - 2243
Phaleg añor. 30 genuit Reu	18 - 1788 - 2213
Reu annorum 32 genuit Sarug	20 - 1820 - 3181
Sarug añor. 30 genuit Nachor	22 - 1850 - 2151
Nachor annor. 29 genuit Thare	24 - 1879 - 2122
Thare annor. 70 genuit Abram	26 - 1949 - 2052
Abraham añor. 100 genuit Isaac	XXI. 5 - 2049 - 1952
Isaac annor. 60 genuit Jacob	XXV. 26 - 2109 - 1892
Jacob annorum 90 genuit Joseph.	- - - 2199 - 1802

Quod ultimo loco de generatione Josephi dictum est, ex SS. Paginis ita eruitur. Cùm Jacob descendit in Ægyptum erat annorum 130. Genes. XLVII. 9. Joseph autem annorum 40. Ergo Joseph natus est Jacobo patre nonagenario. p. a. quoad secundum. Joseph anno ætatis suæ 30. stetit ante Pharaonem interpretans somnium Gen. XLI. 46 subin illico consecuti anni fertilitatis 7. Post hos fluebat tertius annus sterilitatis Gen. XLV. 6. cùm Israël venit in Ægyptum: ergo adventus iste Israëlitarum contigit anno Josephi 40. quare cùm Jacob tunc censuerit annos ætatis suæ 130. necesse est Josephum genitum esse patre Nonagenario. q. e o.

A Joseph porro ex SS. Paginis ad Exitum Israël ex Ægypto ita progredior. Constat Genes. XII. Abrahæ semini promissam à Deo terram lacte & melle fluentem, cùm ageret annum ætatis 75. Videatur etiam Caput XVII. Ab hac promissione juxta Paulinum illud

ad

ad Galat. III. 17. *Abrahæ dictæ sunt promissio[n]es & semi[ni] ejus --- hoc autem dico testamentum confirmatum à Deo, qua post 430. annos facta est Lex &c.* Ab hac inquam promissione anni fluxere 430. usque ad promulgatam in monte Sinai Legem ipso anno Exitus Israelitarum ex Ægypto, ut liquet ex Cap. XIX. Exod. Hinc sic pergitur. A diluvio usque ad natum Abrahamum collectis in unam summam generationibus antè adductis, obtinetur annorum summa 292. Promissio terræ facta Abrahæ anno ætatis suæ 75. Inde ad promulgationem Legis, seu Exitum ex Ægypto 430. Ergo à diluvio ad hunc Exitum Israelitarum anni 797 q. e. o.

Confirmatur ultimo loco deduc̄ta Chronotaxis ex alio S. Scripturæ textu, licet iste prima fronte illam videatur pessimum dare. Exod. XII. 40. dicitur: *Habitatio filiorum Israe[l], qua manserunt in Ægypto fuit 430. annorum.* Ex quo posset sic argui. Israel descendit in Ægyptum anno Josephi 40. adeoque.

Ex Iupræ dictis anno Æ. M.	2239	A. Æ. V.	1762
Si ergo populus electus ibidem habitavit annis	430	-	430
Illius Exitus ex Ægypto contigisse debuit anno	2669	-	1332
Cum tamen ex mea Chronologia id factum esset	2454	-	1547
Natus siquidem Abraham	1949	-	2052
Annos 75. adulto facta promissio seu anno	2024	-	1977
A promissione ad Exitum fluxere anni	430	-	430
Proin Exitus Israel ex Ægypto fieri debebat	2454	-	1547
Rursus additis à diluvio ad Josephum inclusivè generationibus omnibus capitinis initio allatis colliguntur anni	542		

Peregrinatus est Jacob cum filiis in Ægyptum Josephianno. 40. Habitatio filiorum Israel in Ægypto 430. Ergo summa annorum à diluvio ad Exitum 1012.

Videtur proin à 1. ad 2. mundi ætatem annos longè plures intercessisse septingentis nonaginta septem.

Sed contra hæc dicendum, illos 430. annos textus Exodi XII. non solum ad habitationem Jacob & ejus filiorum ac nepotum in Ægypto, sed etiam ad peregrinationem Jacobi parentum, uti & ad perfectionem ipsius Abrahami in Chananæam extendendos esse. Primo LXX. Interpretes id agnoverunt, cum apud ipsos ita legatur: *Habitatio filiorum Israe[l], qua inquilini in Ægypti terra, & in Chananæa fuerunt tam ipsi, quam eorum patres, fuit annorum 430.* 2. quia si textus solum extendi deberet ad habitationem Jacob & semi-

seminis ejus in Ægypto, tunc longè paucioribus annis definienda est foret, ut ex aliis *vulgata* textibus ostenditur. Nam Moyses octogenarius Israeliticum populum ex Ægypto eduxit Exod. VII. 7. Ejus pater Amram vixit annis 137. Exod. VI. 20. Caath avus Moysis annis 133. ibid. 18. Fuit autem Caath filius Levi, qui cum reliquis fratribus, & ipso patre Levi in Ægyptum est profectus Genes. XLVI. II annis hisce 80. 137. 133. invicem junctis, summa prodibit annorum habitationis filiorum Israël in Ægypto 350. diuturnior fangi nequit, ut ut fингatur à Moysis avo, & patre paulò ante mortem ipso. rum genitos filios prædictos, uti & Caath unius fuisse anni infantem, quum Jacob in Ægyptum migravit, quæ certò videntur falsa, & licet vera forent, numerus annorum 350. hac via collectus adhuc annis 80. distaret à periodo annorum 430. in SS. Paginis signatorum. Liquet proin, per habitationem Israël in Ægypto neutiquam eam solam intelligi, qua duntaxat Jacob, ejusque filiorum, ac nepotum series ibidem est commorata. Ut verò summa prodeat annorum 430. extendenda erit peregrinatio filiorum Israël ad ipsa Abrahami tempora, præsertim, cùm ex Cap. Genes. XII. constet Abraham paulò post factam sibi ac semini suo terræ promissionem esse peregrinatum in Ægyptum fame, quæ premebatur Chananæa, vehementi urgente. 30. denique Cap. XV. Gen. Abrahæ cœlitus fuit prædictum: *Scito prænoscens, quod peregrinum futurum sit semen tuum in terra non sua, & subiicient eos servituti, & affligerent quadringentis annis. P*eregrinum autem cœpit esse Abrahæ semen.

anno, quo ipsi natus est Isaac A. M. 2049. ante A. V. 1952

Seu quod est probabilius anno 2054. 1947

Scilicet Isaaci nati quinto, quo is juxta S. Hieronymum in quest. Hebr. in Genes. ablactatus est. Illo siquidem anno Ismael semen Abrahæ errare cœpit in solitudine, uti perihebetur Cap. XXI. Genes. additis annis 400. quibus usque ad Exodum partim peregrinum in terra aliena, partim servitute, & aliis afflictionibus Patriarchæ Abrahæ semen vexatum est, exurget annus A. M. 2454. ante A. V. 1547.

Restant isto capite adhuc complananda dubia gemina, circa quæ magnalis inter Chronographos, videlicet an Genealogia Patriarcharum initio hujus capitulis allatae, interserendum post Arphaxadum veniat Caïnan, quem Sale patrem Græci codices vocant Cap. XI. Genes. & L. i. Paralip. Cap. i. uti & S. Lucas Cap. III. Hinc plures, siue gravissimi auctores, ob irrefragabile præprimis Evangelistæ cit. testimonium, Caïnanum istum reliquis Patriarchis accenient, suamque claro-

chronotaxin ad 30. annos producunt, afferentes anno Arphaxadi 35. genitum Cainan, anno verò Cainani 30. Salemum ab ipso fuisse generatum. Dubium alterum 60. omnino annos complexum in eo versatur, an Abraham 70. ut ego notavi, an verò 130. Tharæi patris sui natus sit anno, ut tenere videtur Scriptorum opinio fors communior. Hi enim ex variis scripturæ locis id se posse colligere autunnant. Nam Genes. XII. 4. Abraham annorum 75. dicitur, quando ex Haran sive Charran profectus est in Chananæam. Vixit autem Thare annos 205. Gen. XI. 32. & initio cap. XII. post parentis obitum Abraham in Chananæam abiisse perhibetur. Si 75. anni junguntur annis 70. prodibunt anni vitæ Thare tantum 145, qui deberent esse 205. ut memoratus antè cap. XI. locus expressè refert. Proin inferunt, Abraham natum esse anno sui patris Thare 130. Nachorem verò atate, non dignitate priorem anno 70. ejusdem Thare.

Sed, quod attinet primam difficultatem, ea nil suprà traditam Chronologiam debet turbare, sive enim Caïnan ille inserendus sit inter Arphaxad, & Sale, quod videtur probabilius, ne S. Lucas aliquid dixisse in Christi Domini Genealogia censendus sit, veritati minus consentaneum, sive non sit inserendus ob Moysis auctoritatem, juniores illum Caïnanum omittentis, id manet indubium, salva veritate editionis *vulgata*, Salemum Arphaxadi anno 35. natum esse: dicatur deinde ab ipso ut patre genitus immediate, vel tantum mediate ut ab avo, quatenus Arphaxad anno suo 18. genuerit Caïnanum, iste verò anno suo 17. Salemum. Binis siquidem locis Genes. XI. & cap. I. l. I. Paralipom. Sacra Biblia afferunt ab Arphaxado genitum esse Sale, & quidem loco priore antiquissimus Hagiographus Moyses genitum Salemum dicit anno Arphaxadi 35. id proin & esse, & haberi debet verissimum.

Majorem difficultatem parere videtur dubium alterum de anno geniti Abrahæ. At etiam ab hac facile sese expediet, qui cum D. Augustino, & aliis duplicem Abrahæ de Chara exitum seu profectiōnem admiserit: Primam videlicet patris Tharæi adhuc viventis anno 145, alteram eo jam demortuo post 60. annos. Vide ipsum S. Doctor. I. 16. de civit. c. 15. Hinc cùm tali ratione ex una parte salvetur auctoritas Moysis luculentissimè Abrahamum anno patris sui 70, & non 130. genitum testantis, ex altera verò textus S. Stephani Actorum VI. 1. 2. & sequentibus commodè salvari queant, standum sit cum recepta de nativitate Abrahæ opinione. Teste enim Doctissimo Petavio nemo veterum, qui quidem esset aliquo nume,

numero, aliter unquam Moysis assertum acceperat, vel minimam habuerat suspicionem de Patriarchæ natalibus incidentibus in annum 130. Thare, licet istius mors anno ætatis 205. consignanda esset.

Dici itaque convenienter poterit Abrahamus primò vocatus in Chaldæa Mesopotamia anno ætatis suæ septuagesimo, ut Hebreis placet. Et hæc prima Abrahæ vocatio clare refertur à S. Stephano Act. VII. 2. & seq. quando dixit: *Deus gloria apparuit Patri nostro Abraha, cùm esset in Mesopotamia, priusquam moraretur in Charon, & dixit ad illum: exi de terra tua, & de cognatione tua, & veni in terram, quam monstravero tibi. Tunc exiit de terra Chaldaeorum, & habiravit in Charan.* Et inde, postquam mortuus est pater ejus translulit illum in terram istam, in qua nunc vos habitatis. Juxta primam hanc vocationem Abrahamus cum Thare patre in Charan secessit, ibique cum eo annis quinque consedit. Post hos Patriarcha jam quinque & septuaginta natus annos novo Dei sollicitatus mandato illis verbis Gen. XII. 1. *Egredere de terra tua, & de cognatione tua, & de domo patris tui,* non solum patriam Chaldæam nempe, sed & domum patris sui (tunc utique adhuc vivi: ad quid enim alias Deus Abramum juberet egredi paternis ædibus, si haec per obitum patris, & legitimam hereditatem jam factæ fuissent ædes sua?) relinquere est jussus. Inde in Chananæam perexit cum Lothro, & uxore sua, ibique annis sexaginta ad parentis Thare obitum perstigit. Accepto ejus mortis nuncio Divino instinctu, vel monito Mesopotamiam repetiit ad curandum funus patrum, & adeundam hereditatem. Illinc postremò translatus à Deo in Chanaam permansit. Et redditum hunc in Chananæam D. Stephanus suo in sermone indicavit. Ista modò dicta præsertim Hipponeñsis nixa auctoritate, valde probabilia cuivis videri debent. Licet autem è SS. Paginis non sint certa, prævalere tamen valent frigidissimæ responsioni, quam adversarii reddere solent claro Scripturæ asserto, Abramum genitum esse Septuagesimo Tharæ patris anno. Plura, qui cupit, de hac controversia Petavium, Ricciolium, alios consulat, præsertim P. Cœsarem Calin in historia chronolog. veteris testamenti, ubi de præsenti in anno Nativitatis Abramiticæ inter authores controversia eleganter ac solidè differit, & ipse fecutus opinionem illam, quæ docet anno Thare septuagesimo natum Abramum. Id noto non deesse, qui putent errore scribarum perperam notatos vitæ Thare annos 205. cùm canonicus Scriptor Moyses cyphris numericis tantum 145. signarit, quo posito utique in præsentiarum difficultas omnis eva-

evanescit. Novissimè id ostendit P. Josephus Stöklein in appendice chronologica, quam XVI. parti sui Cosmangeli subrexim. Facta si- quidem aliquali in litteris Hebraicis numeros indicantibus mutatio- ne anni 145. in 205. converti potuere, ut liquidò probat Auctor pralaudatus.

CAPUT III.

Ostenditur tertiam mundi ætatem ab egressu

Ifraëlis ex Ægypto, seu à promulgatione Legis
usque ad tempum Salomonicum construi cœptum,
annorum fuisse 520.

Si textus iste L. III. Regum c. vi. v. Factum est ergo quadringen-
tesimo & Octogesimo anno egressionis filiorum Iraël de terra
Ægypti in anno quarto mense Zio: ipse est mensis secundus, regni
Salomonis super Iraël, edificari cœpit domus Domino. Si inquam,
iste textus ob alia S. Scripturæ loca implexus non fieret, plana foret
ad hoc usque tempus ex SS. Litteris texta conditi orbis Chronologia.
At verò in libris Judicum & Regum, ubi per partes summa hæc an-
norum 480. dirimitur, colligi videntur anni longè plures, ut liqui-
dum fit è subiecta tabula. Moyses nempe ab Egressu filiorum Iraël
ex Ægypto, seu promulgatione legis vixit annos 40. Mortuus siqui-
dem hic Duxor Iraëlitici populi dicitur anno suæ ætatis 120. Deu-
teron. XXXIV. 7. & populum Judaicum ex Ægypto eduxit anno à
sua nativitate 80. Exod. VII. 7. Josue post Moysèm cum senioribus
populum rexit 25. annis circiter. Jos. XXIV. 31. Clemens Alexan-
drinus L. 1. stromatum, & Eusebius in Chronico iisdem tribuunt
annos 27.



A 2

Anni